



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorvm Poemata

Cesarini, Virginio

Antverpiae, 1662

In Fvnere Sidronii Hosschii ...

urn:nbn:de:hbz:466:1-7990

IN FVNERE
SIDRONII HOSSCHII
E SOCIETATE IESV.

ONoctis æternæ atque Erebi pudor,
Crimen Deorum, lurida carnifex
Mundi ruentis, quam tot atra
Sæcla iuuat vacuare penso!
Quæ sœua Erinnys, quodve odium vetus,
Famæsue magnorum improba funerum
Te concitauit in verendum
SIDRONII caput immerentis?
Fatum serenæ molliter aureum
Nebant sorores. Dum propior Deo
Poëta nil mortale cantans
Tænarias tremefecit umbras,
Arrexit aures Orcus, inertior
Styx hæsit, ingens continuit canis
Rictus trifaces, & Megæra
Viperei siluere crines.
Tu sola funestam rabiem intimis
Coquens medullis, diceris inclytum
Plutone deprecante stamen
Sacrilegâ secuisse dextrâ.

Scelus peractum est. Magni Elegi tacent,
 Nec par Tibullo gratia, ceu prius,
 Cantando iam Scaldim moratur
 Præcipitem, lacrymisq; Mosam
 Latè tumentem. Quin sacra lugubri
 Clamore Parnassi antra remugunt,
 Precordisq; excussa mœstis
 Per virides gemit aura lucos.
 At victor orbes sidereos premit,
 Auraq; Diuum vescitur HOSCHIVS,
 Et iura Minois seuera
 Despicit, inuidiamq; Parcæ.
 Quid victa frendes? rumpere liuidæ
 Mortis satelles, rode manus reas,
 Caputq; nequicquam scelestum
 Tartareo Phlegethonte cela.
 Præcisa vatum vita repullulat
 Ringente Auerno. Non timet Atropo
 Mens plena Phæbi, sed superba
 Fata sinistra domat triumpho.

IDVS